



SIPA PREDALA IZVJEŠTAJ TUŽILAŠTVU BiH O MALVERZACIJAMA

Ugrožen izvoz mesa u Tursku?

Tužilaštvo BiH dobilo je izvještaj **SIPA-e** o poduzetim aktivnostima u predmetu koji se odnosi na izvoz mesa u Republiku Tursku. Odluka o narednim koracima Tužilaštva BiH u vezi s tim slučajem bit će donesena nakon analize ovog materijala, rečeno je Feni u Tužilaštvu.

Iz **SIPA-e** su ranije potvrdili da su prikupili odgovarajuću dokumentaciju iz Uprave za indirektno oporezivanje BiH, Ureda za veterinarstvo BiH, Agencije za označavanje životinja BiH.

Spominje se da su određene

bh. kompanije angažirane na izvozu mesa umiješane u malverzacije, odnosno zloupotrebe u vezi s bescarinskim izvozom mesa u Tursku. Meso su, prema nezvaničnim saznanjima, uvozili iz drugih zemalja, a potom izvozili u Tursku kao domaći proizvod.

Delegat Kluba Hrvata u Domu naroda Parlamentarne skupštine BiH Mario Karamatić zatražio je jučer od ministra vanjske trgovine i ekonomskih odnosa Mirka Šarovića odgovor na pitanje o ovim malverzacijama. Naglasio je da ukoliko su te informacije



ŠAROVIĆ: Falsificirani pasoši

tačne u pitanje će biti doveden izvoz mesa u Tursku, a malverzacije je važno razotkriti te navesti firme koje su nepravilno poslovale.

Šarović je iznio podatak da

je u 2015. u Tursku izvezeno mesa u vrijednosti od 87 miliona KM, u 2014. izvezeno je 5,6 miliona KM, dok je u 2012. i 2013. godini izvezeno simboličnih 6.000 KM.